



Musa je bio veoma stidljiv i zbog toga se mnogo pokrivaو، tako da mu se tijelo nije vidjelo. Neki od Izraelćana su ga uznemiravali.

Ebu Hurejra, radijallahu anhu, prenosi da je Allahov Poslanik, sallallahu alejhi ve sellem, rekao: "Musa je bio veoma stidljiv i mnogo se pokrivaو، tako da mu se tijelo nije vidjelo. Neki od Izraelćana uznemiravali su ga govoreći: 'Ovako se pokriva samo onaj ko na tijelu ima neku mahanu: šugavost, kilu ili neku drugu bolest.' Ali, Allah je htio da Musaa oslobodi od onoga što su mu oni govorili. Tako se Musa jednog dana osamio, svoju odjeću stavio na kamen i počeo se kupati. Kad je završio s kupanjem, okrenuo se prema odjeći da je uzme, ali je onaj kamen već bio iščezao zajedno s njegovom odjećom. Musa uze svoj štap i poče tražiti onaj kamen, govoreći: 'Moja odjeća, kamenu! Moja odjeća, kamenu!', sve dok ne dođe do jedne skupine izraelskih pravaca koji, ugledavši ga naga, vidješe nešto najljepše što je Allah stvorio. Tako ga je Allah oslobođio onoga što su oni govorili. Kamen je stao i Musa je uzeo svoju odjeću, obukao je i svojim štapom počeo tući po kamenu. Tako mi Allaha, na kamenu je ostalo tri, četiri ili pet tragova od udaraca.

O ovom događaju govori se u Allahovim riječima: 'O vjernici, ne budite kao oni koji su Musaa uznemiravali, pa ga je Allah oslobođio onoga što su govorili, i on kod Allaha ugled uživa' (El-Ahzab, 69)."

[Vjerodostojan] [Muttefekun alejh]

Musa je bio izuzetno stidan čovjek koji je volio da se pokriva. Toliko je bio stidljiv da nije želio da bilo ko vidi njegovo tijelo. Neki Izraelčani vrijeđali su ga, govoreći da se skriva samo iz razloga jer ima neku mahanu na tijelu, bilo da je riječ o šugavosti, kilavosti ili nečemu drugom. Allah je želio da ga oslobodi onoga što mu oni pripisuju, pa se jednog dana Musa osamio, odložio svoju odjeću i počeo se kupati u vodi. Kada je završio sa kupanjem, krenuo je da uzme svoju odjeću, ali je uočio da nema ni kamena na kojem je bila odjeća, a ni odjeće. Musa je tada uzeo svoj štap i krenuo bez odjeće da traga za kamenom, govoreći: "Kamenu, vrati mi odjeću!" Tako je prošao pored skupine Izraelćana koji su, ugledavši ga bez odjeće, shvatili da do tada nisu vidjeli nikoga ljepšeg, te su se uvjerili da na sebi nema nikakve mahane. Na taj je način Uzvišeni Allah oslobođio Musaa od onoga što su oni govorili. Musa je sustigao kamen, uzeo svoju odjeću i obukao je, te je počeo da kamen udara svojim štapom, tako da je na kamenu ostalo tri, četiri ili pet tragova od udaraca. U vezi s ovim uznemiravanjem Musaa, Uzvišeni Allah objavio je 69. ajet sure El-Ahzab, u kojem se kaže: "O vjernici, ne budite kao oni koji su Musaa uznemiravali, pa ga je Allah oslobođio onoga što su govorili, i on kod Allaha ugled uživa", tj. čuvajte se da ne uznemirite Poslanika, sallallahu alejhi ve sellem, kao što su Izraelčani uznemiravali Musaa, alejis-selam, pa je Allah potvrđio

njegovu nevinost. Musa je bio na veoma visokom položaju kod Uzvišenog Allaha.

<https://sunnah.global/hadeeth/bs/show/10992>

النّجّات الخيريّة
ALNAJAT CHARITY

